



Bisch im Uusgang wild am danze  
und haut s dy pletzlig uff e Ranze  
isch das denn e bitzli dumm  
und s lache sich wool alli grumm!  
De ligsch denn uff em Booden unde  
do frogt no ain - hesch s Myysli gfunde?  
Und denn basiert s - der Blitz zuggt uff  
ja scho bisch uff der Fotti druff!  
Scho am näggachte Daag - per see  
kaasch dää Fäldritt nomool gsee  
dää isch denn lengschtens online gstellt  
s isch hafft daas wo hitte zellt!

Doch Hand uff s Häärz - daas kaa basiere  
kaine mues sich drum scheniere  
denn über settig glatti Sache  
muesch am Änd doch sälber lache.  
Mür Joker sinn zem Fazyl koo  
an der Fasnacht simmer doo  
sinn alli zämmen uff der Gass  
und hänn derbyg e riise Gspass.  
Mer hänn is gsait daas wämmer au  
mache druus e groossi Schau  
und knipse denne als wie wilder  
mache scheeni Fasnachts-Bilder  
dien am Änd - do kaasch druff zelle  
all die Bilder online stelle.

## Frinde Online

- Ueli
- Harlekin
- Alti Dante
- Syydelöruli
- Pienrot
- Schisskräg Zügli

## Feteli!



# REFAZZION UFF D'ILLUSIOON

Doch Stopp! Die ganzi Sytwazjoon  
isch nit nur toll - au Illusioon!  
Me het do nämli amme s Gfyl  
s halte gwissi nit so vugl  
vom eerlig syy und Aastand haa  
sy nämmen aifach jeede draa.  
Blände, bschyssen und bidriegen  
gwissi dien au grad scho liege!  
Denn kunnt derzue no ai Aschpäggt  
dää macht s fir die jo soo perfäggt  
denn die hänn lengschtens scho entdeggt  
wie guet sich s doch im Netz versteeggt  
dien unter Pseudo-Nämme schrygge  
zem epper bis in Waansinn z drygge!  
Und wääred non e mänge stutzt  
würd s Internet als Branger gnutzt!  
Scho würd der Nnochber denunziet  
will er halt so gäärn grilliert

und die vo näbedraa sinn blaich  
derzue au grad no biirewaich!  
Und schuldisch aim grad non e Schnägg  
isch der gueti Rueff ewägg  
denn schnäller als de dy kaasch bsinne  
stoosch als schlächte Zaaler dinne!  
Het me mit der Ex mool Buff  
stellt sich uff e Standpunggt druff  
«sy het my in der Eer verletzt»  
nur drum würd d Fotti ynegsetzt  
d Handy-Nummere grad derzue  
«die het s verdient - die dummi Kuel!»  
Und wenn me deert duet dinne stoo  
kaa das schnäll no lenger goo  
denn alles würd deert unscheniert  
bis in s Letschte kommentiert.  
Me schiggt sich Thäggschli - hüü und häär  
derbyg waisch mängisch nit mool währ

jetz doo am anderen Ändi hoggt  
und dli die ghaimschte Sache frogt.  
Und schnäll wiird alles iberdriübe  
der Ander het sich z guet bischriübe  
duet Bilder gää, wo bschisse sinn  
au daas ligt doo no logger dinn.  
Verliebsch dy denne Schritt fir Schritt  
in epper wo s halt gaar nit git!  
Laider miemer doo druus leere  
me kaa sich kuum dergeege weere  
vyggle isch nit wie s duet schyune  
schnäll gheisch sälber doo druff gyne.  
Wiirsch bländet, bschissen und bidrooge  
hesch gaar sälber scho mool glooe?  
De kaasch deert dinne ring brilliere  
und dy sälber brofiliere  
so isch deert vyggle Illusioon  
und unser Sujet d Reaggzioon!

